



UDRUŽENJE POSLODAVACA KANTONA SARAJEVO

E-mail: upfbih@bih.net.ba

Web: <http://www.upfbih.org>

Sarajevo,

M. Mustafe Bašeskije 12/3

Telefon: 033 / 264 - 830

Tel / Fax: 033 / 264 - 831

ZAPISNIK SA 3. SJEDNICE UO UP KS

održane 22.05.2018. godine (utorak) u 18:00 časova u kompaniji Klas d.d. (ul. Paromlinska br.43) u Sarajevu.

Na sjednici su prisustvovali članovi Upravnog odbora UP KS: Safudin Čengiđ, Suad Ećo, Jakub Čehić, Admira Isaković, Miralem Šabović, Haris Muslić, Nihad Imširović, Vesna Beganović, Eduard Jahjaefendić, Enver Malagić, Muhamed Pilav i Edhem Pašukan.

Na sjednici nisu prisustvovali: Željko Pervan, Darko Andrećenko, Igor Baroš, Muhamed Žero i Salih Lemeš.

Prisutni gosti: Amela Dautbegović, ministrica za rad, socijalnu politiku, raseljena lica i izbjeglice KS, Nedžad Šadić, direktor maloprodaje Klas d.d., Nijaz Skenderagić, predsjednik Skupštine UP i Amela Hrbat, potpredsjednica Skupštine UP.

Na sjednici su po službenoj dužnosti prisustvovali Zlatan Dedić , Vesna Smajlović i Jasmina Kurspahić.

Sjednicu je otvorio predsjednik UO UP KS Safudin Čengiđ i predložio sljedeći:

DNEVNI RED

1. Usvajanje zapisnika sa II sjednice UO KS
2. Nacrt Zakona o plaćama i naknadama u organima vlasti KS
3. Nacrt Zakona o lokalnoj samoupravi
4. Prijedlog izmjene Zakona o cestovnom prijevozu u FBiH
5. Razmatranje Odluke o izmjenama i dopunama Odluke o privremenom korištenju javnih površina na području Općine Centar Sarajevo („Službene novine Kantona Sarajevo,, broj: 13/17).

6. Informacija o podnesenoj inicijativi za donošenje Zakona o izmjenama Zakona o komunalnim djelatnostima i održanom sastanku kod ministra komunalne privrede i infrastrukture, a u vezi sa Cjenovnikom usluga odvoza otpada
7. Informacija o usvajanju amandmana IO UPFBiH na Prednacrt Zakona o izmjenama i dopunama Zakona o posredovanju u zapošljavanju i socijalnoj sigurnosti nezaposlenih osoba u u FBiH
8. Informacija o upućivanju inicijative za donošenje Pravilnika o izmjenama i dopunama Pravilnika o primjeni Zakona o PDV-u
9. Tekuća pitanja

Dnevni red je usvojen jednoglasno.

RASPRAVLJANJE PO TAČKAMA DNEVNOG REDA:

Tačka 1. Usvajanje Zapisnika sa II sjednice Upravnog odbora UP KS

U vezi sa ovom tačkom dnevnog reda predsjednik Upravnog odbora Safudin Čengić je zamolio članove UO da se izjasne da li imaju primjedbi na Zapisnik sa prethodne sjednice.

Obzirom da nije bilo primjedbi nakon glasanja donesen je sljedeći:

ZAKLJUČAK: Zapisnik sa II sjednice UO UP KS je jednoglasno usvojen.

Tačka 2. Nacrt Zakona o plaćama i naknadama u organima vlasti KS;

Predsjednik Upravnog odbora UP KS je prisutne informisao o ovoj tački dnevnog reda te u kratkom izlaganju naveo da se ovakvim zakonom pravi jaz između realnog i javnog sektora.

Na ovu temu skupu se obratila i Amela Dautbegović, ministrica za rad, socijalnu politiku, raseljena lica i izbjeglice KS i u svom izlaganju podržala napore Udruženja poslodavaca u vezi sačinjenih amandmana na ovaj Zakon.

Nakon ova dva izlaganja Safudin Čengić je otvorio diskusiju u kojoj su učestvovali: *Muhamed Pilav, Safudin Čengić, Miralem Šabović i Enver Malagić.*

Nakon diskusije donesen je slijedeći:

ZAKLJUČAK:

AD1. Sačinjene amandmane na Nacrt Zakona o plaćama i naknadama u organima vlasti KS

potrebno je uputiti na adresu Ministarstva pravde i uprave KS. U prapratnom aktu potrebno je navesti da UP KS očekuje prihvatanje amandmana u daljoj proceduri.

AD 2. Potrebno je također tražiti da se određena prava koja su navedena u ovom Nacrtu Zakona regulišu kolektivnim ili granskim kolektivnim ugovorom ali kada se za to steknu uslovi u Kantonu Sarajevo.

Tačka 3. Nacrt Zakona o lokalnoj samoupravi

Safudin Čengić, predsjednik UO je ukratko predstavio ovu tačku dnevnog reda i zatražio od prisutnih da dobro izanaliziraju ovaj Nacrt Zakona.

Po ovoj tački nije bilo diskusije, pa je predsjednik UO donio slijedeći:

ZAKLJUČAK: Potrebno je detaljno proučiti Nacrt Zakona o lokalnoj samoupravi, te da članovi UO UP KS primjedbe i sugestije dostave Stručnoj skužbi UP KS u roku od 10 dana. Nakon dostavljanja primjedbi one će biti dostavljene nadležnom Ministarstvu.

Tačka 4. Prijedlog izmjene Zakona o cestovnom prijevozu u FBiH

Predsjednik UO je prisutnima predočio Prijedlog izmjena o cestovnom prijevozu i inicijativu koju je sačinilo Udruženje poslodavaca KS po ovom pitanju.

Nakon izlaganja Safudina Čengića po ovoj tački dnevnog reda nije bilo diskusije, pa je donesen slijedeći:

ZAKLJUČAK: Članovi Upravnog odbora su podržali inicijativu Udruženja poslodavaca FBiH u vezi hitnog mijenjanja određenih odredbi ovog Zakona.

Tačka br.5 Razmatranje Odluke o izmjenama i dopunama Odluke o privremenom korištenju javnih površina na području Općine Centar Sarajevo („Službene novine Kantona Sarajevo,, broj: 13/17).

Predsjednim Čengić je po ovoj tački dnevnog reda riječ prepustio direktoru Udruženja poslodavaca KS Zlatanu Dediću.

Dedić je u kratkom izlaganju naveo osnovne probleme s kojim se susreću kompanije u realizaciji Odluke a naročito u dijelu u kojem su utvrđeni visoki iznosi naknada za privremeno korištenje javnih površina na području Općine Centar Sarajevo za postavljanje kioska, a pogotovu naknada za postavljanje rashladnih uređaja uz trafiku/kiosk. Naveo je primjere postojećih naknada u odnosu na ranije utvrđene kao dokaz značajnog povećanja.

Svoje kratko izlaganje imao je i Haris Muslić, Coca-Cola HBC BH koji je predlagač ove tačke dnevnog reda.

Nakon izlaganja predsjednik je otvorio diskusiju u kojoj su učestvovali: *Vesna Beganović, Suad Ećo, Enver Malagić, Admira Isaković, Muhamed Pilav, Haris Muslić i Safudin Čengiđ.*

Nakon diskusije donesen je slijedeći:

ZAKLJUČAK: Potrebno je pripremiti detaljnu analizu u smislu kako je ovo pitanje riješeno u BiH, zemljama regiona i u Europi. Nakon pripreme analize i kvalitetnog dokumenta potrebno je o ovoj temi razgovarati sa Ekonomsko-socijalnog vijeća KS. Analizu će sačiniti Zlatan Dedić uz pomoć Vesne Beganović i Harisa Muslića.

Tačka br.6 Informacija o podnesenoj inicijativi za donošenje Zakona o izmjenama Zakona o komunalnim djelatnostima i održanom sastanku kod ministra komunalne privrede i infrastrukture, a u vezi sa Cjenovnikom usluga odvoza otpada

Predsjednik je zamolilo Zlatana Dedića da ukratko predstavi ovu tačku dnevnog reda. Dedić je u kratkom izlaganju prezentirao aktivnosti koje je Udruženje pokrenulo podnošenjem inicijative za donošenje Zakona o izmjenama o komunalnim djelatnostima kao i mjenjanja Cjenovnika usluga odvoza otpada.

Otvorena je diskusija u kojoj su učestvovali: *Ećo Suad, Enver Malagić, Muhamed Pilav, Vesna Beganović i Eduard Jahjaefendić*

Nakon diskusije donesen je slijedeći:

ZAKLJUČAK: Potrebno je da članovi radne grupe i naše delegacije koja već duže vrijeme pregovara sa Ministarstvom komunalne privrede i infrastrukture o pitanju izmjena Zakona o komunalnim djelatnostima nastave aktivnosti radi ostvarivanja navedenog cilja ali i da insistiraju na promjeni spornog Cjenovnika.

Tačka br.7 Informacija o usvajanju amandmana IO UPFBiH na Prednacrt Zakona o izmjenama i dopunama Zakona o posredovanju u zapošljavanju i socijalnoj sigurnosti nezaposlenih osoba u u FBiH

Direktor Zlatan Dedić u kratkom izlaganju prezentirao je Informaciju o usvajanju amandmana IO UPFBiH na Prednacrt Zakona o izmjenama i dopunama Zakona o posredovanju u zapošljavanju i socijalnoj sigurnosti nezaposlenih osoba u u FBiH.

Otvorena je diskusija po ovoj tački u kojoj su učestvovali: *Vesna Beganović, Enver Malagić, Suad Ećo i Safudin Čengiđ.*

Nakon diskusije donesen je slijedeći:

ZAKLJUČAK: Članovi UO Udruženja poslodavaca KS su jednoglasno podržali inicijativu Udruženja poslodavaca FBiH u vezi amandmana na Prednacrt Zakona o izmjenama i dopunama Zakona o posredovanju u zapošljavanju i socijalnoj sigurnosti nezaposlenih osoba u FBiH

Tačka br.8 Informacija o upućivanju inicijative za donošenje Pravilnika o izmjenama i dopunama Pravilnika o primjeni Zakona o PDV-u

Zlatan Dedić, direktor UP KS je u kratkom izlaganju predstavio Inicijativu za donošenje Pravilnika o izmjenama i dopunama Pravilnika o primjeni Zakona o PDV-u.

U kratkoj diskusiji učestvovali su; *Enver Malagić, Miralem Šabović, Suad Ećo i Safudin Čengić.*

Nakon diskusije donesen je slijedeći:

ZAKLJUČAK: Članovi Upravnog odbora Udruženja poslodavaca KS daju svoju podršku za izmjenu ovog Pravilnika, te se obavezuje predsjednik UO da izvrši razgovor sa članovima UO Uprave za indirektno oporezivanje.

Tačka 9. Tekuća pitanja

Predsjednik UO je kandidovao dvije dodatne tačke dnevnog reda i to:

a) Imenovanje predstavnika u Tim za monitoring i evaluaciju pojedinačnih podsticajnih mjera

Predsjednik Upravnog odbora predložio je Miralema Šabovića za člana Tima za monitoring i evaluaciju pojedinačnih podsticajnih mjera.

Obzirom da nije bilo drugih prijedloga donesen je slijedeći:

ZAKLJUČAK: Imenuje se Miralem Šabović za člana Tima za monitoring i evaluaciju pojedinačnih podsticajnih mjera.

b) Organizacija okruglog stola na temu „ Nacrt Zakona o dulanom obrazovanju KS“

Zlatan Dedić je informisao prisutne o namjeri organizovanja okruglog stola na temu „ Nacrt Zakona o dulanom obrazovanju KS“ uz finansijsku pomoć GIZ-a.

Nakon izlaganja Dedića donesen je slijedeći:

ZAKLJUČAK: Udruženje poslodavaca KS prihvata prijedlog UP FBiH za organizaciju ovog okruglog stola, te da će UP KS osigurati prisustvo od 25-30 poslodavaca na ovom skupu.

Sjednica je završena u 20:00 časova.

ZAPISNIK SAČINILA:

Vesna Smajlović

PREDSJEDNIK UPRAVNOG ODBORA

Safudin Čengić